



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

XII. Quia illius cultus nota est electionis ad gloriam.

[urn:nbn:de:hbz:466:1-51821](#)

quicunque ab ista hora sunt in summa pœna purgatorij, venient ad medium, & qui sunt in media venient ad levissimam, qui autem in levissima pœna, transibunt in requietum.

Eadem S. Mater ibidem lib. 4. cap. 13. sic locuta. Mater sum omnium qui sunt in purgatorio, quia omnes pœnae quæ debentur purgandis, pro peccatis suis, in qualibet hora propter preces meas quodammodo mitigantur, ita placet Deo, ut aliqua ex his quæ debentur eis de rigore Divinæ justitiae minuantur. Et lib. 6. cap. 10. Nulla pœna eltinige purgatorij, quæ propter me non remissior erit, & clevior ad ferendum, quam alias esset. Plenum solatij Petrus Damian. lib. 3. epist. 1072. narrat. Recurrente festo Assumptionis B. Virginem solere ad purgatorium descendere, & multos pœnis exire, quod ipsum ibidem 10. sequenti exempla ostendit.

Die Assumptionis B. Virginis Romæ contigit, ut quædam mulier viderit in templo suam commatrem jam ante annum mortuam, interrogavitque, an illa vere esset? ea verò annuente, ulterius quæsivit, quid esset de illa factum? dixit mortua se tuisse in purgatorio detentam usque ad illam diem, quam per interventum D. Virginis, & ipsa, & tanta multitudo quæ supereret multitudinem plebis Romanæ liberata est. Cum verò viva dubitaret de narratione mortuæ, mortua in confirmationem rei dixit viventem illâ ipsâ die post annum morituram. Tempore prædicto advenit mors, sed non imparatæ.

Hanc miserationem S. Virgo adhuc cùm in terris esset exercuit erga hujusmodi animas. Nam ut in umbra Virginæ docet Navarin. ex bonæ notæ Authoribus lib. 4. Virginem moram petiisse à Filio ut ipsa in cælum itura omnes animas secum ex purgatorio educeret. Et assurit prædictus Scriptor idem quotannis festo Assumptionis evenire. Quod etiam idem contingit & die, quam Deum genuit. Et ut scribit Dion. Carthus serm. 2. de Assumpt. patet ex historia sequenti. E duobus caris amicis decepsit unus circa festum omnium Sanctorum, superstes verò dolori totus non auxilio vacabat erga defunctum. Apparuit illi defunctus post festum nati Christi, inutiles exprobravit lachrymas: & adjecit, B. Virgo singulis annis in festo Nativitatis Christi ad purgatorium descendit, & multas animas inde educit. Sperabam & me ab illa tuis precibus exorata liberandum, sed non orâsti; verum etiam solet nocte Resurrectionis descendere, rogo nè cesses pro me illius clementiam exorare.

12. Quia illius cultus nota est electionis ad gloriam.

Id testatur Graeca Ecclesia verbis Joseph Confessoris in Menaïs Jan. 3. ode 5. Omnibus in laudem tuam ô Virgo effusis, animæ salutem largiris præmij loco. Et 4. Jan. 10. 9. ex eodem. O Genitrix Dei, illorum omnium salus, quotquot assiduis tibi vocibus

cibus gratulaantur ac plaudunt. Et *7. Martij.* Libro viventium suos ingerit pugiles quicunque leges sibi praescriptas omnibus numeris servant. Idem adstruit e *Latinis 5. Anselm.* lib. de excell. Virg. cap. 4. Cui datum est dulci studio saepe posse cogitare de B. Virgine, magnum is promerendae salutis habet indicium. Et *S. Antonin.* p. 4. lib. 25. cap. 14. Necessarium est ut iij ad quos convertit oculos B. Virgo, pro eis advocatae justificantur, & glorificantur.

Expertus id ille *de quo in Revel. S. Brigitte lib. 6. cap. 97.* Is per sexaginta annos sine ullo sacramentorum remedio scelera continuavit, etiam in morte ad penitendum difficillimus; tamen Christus Dominus revelavit de illo S. Brigitte eum ad purgatorium ivisse, quia contritus decessit, contritionem verò accepit ex sua benignitate, & propter meritum S. Virginis: nam licet homo iste non dilexit eam corde, tamen quia coluerudo (*verba sunt Christi D.*) sua fuit compati ejus dolori, quoties eam considerabat, & audiebat nominari, ideo compendium salutis sue invenit, & salvatus est. Virginis fuit figura arca verus. Contingit peccatori quod Sacerdoti Abiathar 3. Reg. Obnoxius hic fuit proditioni omninoquè perijsser; sed dixit illi Salomon. *Equivi-
tum mortis es, sed hodie non te interficiam, quia portasti arcum Domini.*

Sed rem jam oculis accipiamus in eo de quo *Bonifacius. lib. 3. Ungaric: rerum decūlano 1415.* Post prælium commissum contra Turcas biennum decurrerat, dum quidam viatores pugna locum prætereunt, & audiunt proferri voces Iesu, Maria, Ihesus, & inquirunt fontem vocum, inveniuntque caput quoddam, quod admirantibus hoc protulit. Ante biennium sine sacra confessione, in confictu occubui, Maria Mater Dei cui devotus in vita fui, linguam mihi servavit, quā confiteri possim, idcirco accersite sacerdotem, factum juxta desiderium & confessus, illico contineat. *5. Anselm. Verba adducit S. Antonin. 4. p. tit. 15. cap. 14. n. 67.* Impossibile est quod illi à quibus Virgo Maria oculos sue misericordiae avertit, salventur: ita necessarium quod hi ad quos convertit oculos suos, pro eis advocans justificantur, & glorificantur. *S. Germ. Patriarcha orat. de zona.* Quomodo corpus vitalis signum operationis habet respirationem, ita & sanctissimum tuum nomen Virgo Beatisima quod in ore servorum tuorum versatur assidue, in omni tempore, loco, & modo, vita, lætitia, & auxilio, non solum est signum, sed hoc etiam procurat, & conciliat.

Absolute *S. Bonav. tom. 2. opusc. de sp̄as: B. V.* Qui dignè coluerit eam, justificabitur, qui autem neglexerit illam, in peccatis suis morietur. Et *in psalt.* Qui acquirit gratiam Marie, agnoscerit à Civibus paradisi, & qui habuerit charitatem ejus, annotabitur in libro vita. Et *Richardus à S. Laur. lib. cap. 3.* Per Mariam tanquam per mare transeunt veri Israelitæ ad portum felicitatis æternæ, submersis Ägyptis, & lib. 2. Turris fortissima nomen Dominae, ad ipsam fugiat peccator, & liberabitur, hæc defendit quoslibet, & quantumlibet peccatores. *B. Hermanus in Lynn. ad Virg. Gaudi.*

Gaude (Virgo) Fons qui non siccari, ô quam suavis dum gustaris, te qui bibit non peribit, te qui querit nunquam perit. Idque adeo ut dixerit Petrus Damian: lib. 2, epist. 14. Nec ad æterni Judicis poterit perire contemptum, qui Genitricis ejus sibi providerit auxilium. Alb. M. in bibl. Mar. in ffss. Gens & Regnum quod non servierit tibi, ô Mater mea peribit. *Glossa*, In die judicij. Quasi dicat. Ergo quis servierint ei non peribunt. Bonav. in Psalm. B. V. Pax multa diligentibus te Domina, anima eorum non videbit mortem in æternum.

In quam rem ipsam dixit Ricb. à S. Laur. lib. 2. de laud. B. V. Servire Dei Genitrici debes dum vivis, post mortem vivere si vis. Et Ludo. Blos. in canone vita Spirit. cap. 18. Fieri non potest ut pereat, qui Mariæ sedulus & humilis cultor fuerit. Apud eundem dicit *Anonymous inter dicta Patrum* cap. 5. Enimvero in æternum perire non potest, quisquis Mariam devotè & perseveranter colit.

Sed audi quid dicat Petrus Damian. serm. in Epiph. Reliquit nobis Maria exemplum, ut sequamur vestigia ejus, ut tales simus qualis ipsa fuit, sic ergo Fratres ad verum solem pervenire poterimus, si Virginis & Stellæ nostræ vestigia fuerimus imitati. Hugo Vict. serm. in quolibet festo B. Virginis. B. Mariam pro viribus imitari studeamus, ut ejus meritis & precibus cum ipsa glorificari valeamus, imitemur B. Mariam sub brevitate temporis, ut cum ipsa gloriari mereamur in diurnitate æternitatis. Amedeus Laufanen, bom. 5. Effecti morum similitudine similes Genitricis Dei, post eam adducemur in templum Regis & Filii sui. Absalon Abbas serm. 1. exentiandi, in Annunc. In virga furoris flagellabit Dominus eos qui Virginem S. contemperint. Et S. Ildef. lib. 2. de Virg. cap. 4. invitat. Veni mecum ad hanc Virginem, ne sine hac properes ad gehennam. Veni abscondamur sub velamento virtutis ejus, ne induaris confusione sicut diploide.

Et certè S. Bonav. in Psalm. Qui dignè coluerit Mariam justificabitur, qui autem neglexerit illam, morietur in peccatis suis. Virgo enim rosa est in Jericho, quam Sarabæ fugiunt. Hinc merito illi Ecclesia appropriat illud. Qui me invenerit, invenerit vitam, & hauriet salutem à Domino.

Simile quid à Deo didicit S. Catharina Senensis Dial. 14. Mariæ Unigeniti Filij mei gloriose Genitrici concessum est à bonitate mea propter incarnati Verbi reverentiam, ut quicunque justus vel peccator recurrerit ad eam cum debita reverentia, nullo modo decipiatur vel devoretur ab infernali dæmonio.

Hoc ipsum ferè dictum S. Matri à Christo D. Audivit. S. Brigitta lib. 1. cap. 50. cum Mater illi proposuisset, quod mundus tribus rebus indigeret. Primo contritione de peccatis. Secundo satisfactione. Tertio fortitudine ad facienda bona. Respondit Filius Matri. Omnis qui invocaverit nomen tuum & spem habuerit in te cum proposito emendandi commissa, ista tria dabuntur ei, & insuper Regnum cœlorum.

lorum. Et ipsa Virgo lib. 6. cap. 10. dixit. Nullus ita alienatus est à Deo nisi omnino fuerit maledictus, qui si me invocaverit non revertatur ad Deum & habebit misericordiam.

Quod ipsum Pelbartus Stella lib. 12. prosecutus part. 2. art. 1. Servire B. Mariae, de votaque & debite eam venerari, est certissimum, & securum signum salutis æternæ. Idem docet Joannes Ruobrochius lib. 2. spir. nupt. cap. 77. Hanc Sacratissimam Virginem quisquis imitatur; quidquid virtutibus contrarium est, superat, & ad illud pertinet regnum, ubi cum Filio suo in omnem regnat æternitatem. Verum & totus *Graecæ Ecclesiæ in Meneis* 16. Mart. idem fuit sensus. Illuc jure unusquisque contendit, ubi securam salutis suæ fiduciam habet: ac certè ubi simile nobis refugium patet, seu apud te Domina, quæ es Protectrix animarum nostrarum? Quia ut *ibidem* 12. Martij, carnem Filij tui, & virgam virtutis adepti, per eam inimicorum nostrorum fastum prostrinimus, quotquot te feriò amantes contentionē in desinenti laudamus, & te Inventrice digna sese ac rerum omnium Administrat utitur Deus, esque p̄ voce omnium te laudantium Salus æterna.

Illam ergo precemur cum Joseph Confess. 22. Martij *ibid.* Honore venerando dignum est puerperium tuum, ex quo ipse prodigit Deus, quem intercessione tua permovere, ut omnes indubitate fidei te colentes, ab inferorum horrendo supplice præster immunes. Necesse tamen est esse memorem moniti dati à S. Bonav. tom. 7. Epist. que continet 25. memorabilia menor. 3. Ut tua devotio sit illi accepta, & reverentia grata; ipsius puritatem & munditiam omni virtute, mente & corpore illibato in te ipso servando, toto conatu nitaris, humilitatis & mansuetudinis ejus veligii imitari.

C A P U T V.

Beatam dicit Mariam mundus univerfus.

1. Quia cadentem mundum sustinet.

CAdentis mundi Eretricem, vocavit S. Joseph. Confess. in Meneis 2. Iau. vii. 5. Quia ut zodiota dixit. Per ipsam, in ipsa, & cum ipsa, & ab ipsa habet mundus & habiturus est omne bonum.

Neque